



Tonga

LAO KI HE SENOSAITE

VAHE 4.05

Tohi Lao Fakatonutonu 2020



LAO KI HE SENOSAITE

**KO E LAO KE FAKAHOKO ‘A HONO NGAUE‘AKI ‘A E KONIVESIO KI
HE TA‘OFI MO E TAUTEA ‘O E HIA KO E SENOSAITE¹**

Kamata'anga [31 'o Ma'asi, 1970]

1 Hingoa nounou mo e faka‘uhinga lea

- (1) ‘E ui ‘a e Laó ni ko e Lao ki he Senosaite.
- (2) ‘I he Laó ni ko e “Konivesio ki he Senosaite” ko hono ‘uhinga ko e Konivesio ki he Ta‘ofi mo e Tautea ‘o e Hia ko e Senosaite ‘a ia na‘e loto ki ai ‘a e Fakataha Alea Fakakātoa ‘o e Kautaha Fakatahataha ‘a e Ngaahi Pule‘anga ‘o Māmaní ‘i he ‘aho 9 ‘o Tisema ‘o e ta‘u 1948.

2 Senosaite

- (1) ‘Oku fai ‘e ha taha ‘a e hia ko e senosaite, kapau te ne fai ha me‘a ‘a ia ‘e tō ‘i loto ‘i he faka‘uhinga‘i ‘o e “senosaité” ‘i he ‘Atikolo II ‘o e Konivesio ki he Senosaité ‘a ia ‘oku hā atu ‘i he Tēpile ki he Laó ni.²
- (2) Ko ha taha kuo halaia koe‘uhí ko e hia ko e senosaité kuo pau ‘i ha‘ane mo‘ua ‘i he funga ‘o e tohi fekau hiamatea —
 - (a) kapau ko e hiá ko ‘ene tāmate‘i ha taha, ke tautea ia ko e mate pe tautea ia ke nofo popula ki he ngata‘anga ‘o ‘ene mo‘ui;
 - (b) ‘i ha tūkunga kehe ‘o e hia ko iá, ke lava ‘o tautea ia ke nofo pōpula ki ha vaha‘a taimi ‘a ia ‘e ‘ikai ke fuoloa ange ‘i he ta‘u ‘e 14.
- (3) Kuo pau ‘e toki ngofua pē ke fai ha ngāue faka-fakamaau‘anga koe‘uhí ko e hia ko e senosaite ‘i ha fokotu‘u ke fai ‘a e ngāue ko iá ‘e he pe ‘i he loto ki ai ‘a e Fakahinohino Lao Seniale ‘a e Pule‘angá.

FAKAMATALA FAKALAHİ

¹ Tohi Lao Fakatonutonu 1988 Vahe 19 – Lao Fika 8 ‘o e 1969

Ngaahi Lao Fakatonutonu hili ‘a e 1988

Ngaahi Lao Fakatonutonu

Lao 9 ‘o e 1995

Kamata‘anga

12 ‘o ‘Okatopa 1995

² Fakatonutonu ‘e he Lao 9 ‘o e 1995